

Sarajevo, 21.5.2014.

Izveštaj sa terena članica Antikorupcijske Mreže u BiH ACCOUNT (20-21.5.2014) povodom poplava

Sekretarijat mreže ACCOUNT sačinio je izvještaj o stanju u kome se članice mreže nalaze nakon katastrofalnih poplava koje su protekle sedmice pogodile Bosnu i Hercegovinu. Neke od njih pretrpjele su veliku štetu no i uprkos tome ustrajne su u pružanju pomoći nastradalim građanima kroz prikupljanje pomoći, izmještanje starih i nemoćnih, raščišćavanje terena... Od jučer, 21.5, prate i proces distribucije pomoći u svojim sredinama i služe kao punktovi putem kojih građani mogu prijaviti bilo kakvu nepravilnost koju primijete pri raspodjeli pomoći.

Sve članice Mreže ACCOUNT su kontaktirane sa pitanjima

- Kakva je situacija na terenu,
- šta je potrebno od higijenskih i drugih potreština nastradakuna
- ko od njih može biti Info Punkt za prihvatanje i distribuiranje pomoći nastradalima
- da li ima slučajeva kriminala i korupcije u vezi humanirane pomoći koje možemo prijaviti nadležnima

Prema njihovim iskazima situacija na terenu je izuzetno kritična. Nastradalima nedostaje doslovno sve: hrana, voda, higijena, krov nad glavom, sredstva za dezinfekciju, čišćenje prostora i bunara...

Mnoge od naših članica su u izravnom kontaktu sa građanima kao i sa Sekretarijatom Mreže. Također dio njih je prihvatio ideju da rade i kao info punktovi za pomoć i prijavu zloupotrebu i korupcije.

Od naših članica nekolicina je doživjela direktnu štetu poput NVO Merhamet Doboj, DC Nove nade Bihać, drugima je nastradala lična svojina... Esad Bećirović iz dobojskog Centra za razvoj civilnog društva BiH je svakodnevno sa volonterima na terenu i kako kaže svaka vrsta pomoći je dobrodošla jer ljudi u Doboju doslovno nemaju ništa **„Svako ko ne cijeni život trebao bi doći i vidjeti kakav je danas Doboj pa bi promijenio mišljenje“** Inače Kancelarija ovog udruženja je totalno uništena, sve je poplavljeno. Nisu u mogućnosti da rade, jedino što su uspjeli da spase iz kancelarije je pečat. Računar, stolovi, stolice, printer su im najpotrebniji trenutno da bi mogli opet raditi. Pomažu ostalima u gradu, najpotrebnija je voda jer nema pitke vode. Helsinški odbor RS iz Bijeljine, Omladinski savjet Bijeljina, Sindikalna organizacija pravosuđa Županije Posavske, Nukleus Banjaluka se bore svakodnevno sa poplavama koje su ugrozile i njihove kancelarije te devastirale i materijal i opremu..

Kako su nas izvijestili neki od članica distribucija pomoći nije koordinira od strane nadležnih čak naprotiv zbog čega proces zaštite, spašavanja i sanacije je neorganizovano. U nekim slučajevima su i oni sami ugroženi. Prema riječima Damira Radenkovića iz Vermona koji je otišao sa ekipom volontera podijeliti pomoć u Šamcu ljudi su toliko gladni i očajni da se doslovno tuku oko hrane koju je namjeravao podijeliti. Naposljetku je bio prisiljen potražiti pomoć načelnika Šamca te pronaći sigurno mjestom za distribuciju hrane i vode.

Sekretarijat

Udruženje INFOHOUSE

Skenderija 15, 71000 Sarajevo BiH

tel/fax: + 387 33 209 304 / + 387 33 200 538



Nosilac projekta

Centar za razvoj medija i analize

Dalmatinska 1, 71000 Sarajevo BiH

tel/fax: ++ 387 33 263 546

ANTIKORUPCIJSKA MREŽA U BIH

www.account.ba
account@account.ba

„Naša zapažanja u vezi organizacije prikupljanja i distribucije pomoći građanima su u ovom trenutku takva da su građani nezadovoljni odnosom vladinih službi prema svojim zakonom utvršenim obavezama i zadacima u datim okolnostima“ (Udruženje PRIZMA Brčko) Na žalost u ovom trenutku primjetan je i kriminal na terenu: „I u Trebinju već par dana kruže priče o zloupotrebama prilikom isporuke pomoći koja je prikupljena kao i da se neke nove stvari prodaju na pijacama. Smatramo da bi bilo dobro da se watch dog timovi uključe u kontrolu sličnih stvari na terenu da se pokrenu određene inicijative.“ (Omladinski centar Trebinje). Kako nas je izvijestila Dževdana iz Općine Zenica policija reaguje na dojavu kriminala tako da ona zna za dva hapšenja zbog krađe/preprodaje robe. UDRUŽENJE POTROŠAČA KANTONA SARAJEVO je već izvršilo jednu prijavu nadležnima zbog zloupotrebe.

Neke od članica poput Ruhame iz Zenice rade i na izmještanju starih i nemožnih iz poplavljenih područja: „Naša organizacija Ruhama i Centar za zdravstvenu /palijativnu njegu se nalazi u naselju Blatuša u Zenici. S obzirom da je ovo naselje blizu rijeke Bosne bili smo blokirani sa svih strana i samo ući u Blatušu je bilo veliki problem, sa kolima nikako, a pješke samo preko željezničke pruge koja graniči sa gornje strane naselja. Bogu hvala voda nije uspjela doći do Centra i Ruhame. Nakon 4 dana voda se povukla i mogli smo ući u Blatušu kolima. Pošto su starija lica stalno helikopterima transportovani u Zenicu sa okolnih ruralnih područja poput Topčić polja, Kolići, Šerići, Željezno polje i sl., odmah smo reagovali. Posjetili smo prihvatilišta gdje su se ovi ljudi smještali Kasarnu, prostor u papirnoj, Studentski dom, i sl. Teže slučajeve nepokretne starije i bolesne osobe smo odmah prihvatili i transportovali u naš Centar.“

Unija za održivi povratak i integracije u BiH animirala je humanitarne organizacije u dijaspori sa ciljem slanja pomoći u najugroženija povratnička područja. Danas stižu konvoji pomoći iz Njemačke za Sapnu, Odžak i Janju odakle smo primili najviše apela za pomoć. U naredna dva dana konvoji pomoći će biti usmjerena za područja u Brčkom i Bosanskom Šamcu.

Našim članicama je potrebno dosta toga da pruže efikasniju podršku građanima a i da njihova udruženje ne prestanu s radom. Jedan od zahtjeva je poslalo i Udruženje Forum građana Zenica kojima treba

- Sredstva za promociju prijavljivanja korupcije (Zakon o uzbunjivačima, obrazac za prijavu korupcije, medijska promocija, štampani materijal) i gorivo za vozila,
- Laptop i mini printer radi potreba odlaska na teren (12 općina ZDK),
- Podrška članica Accounta o usvajanju jedinstvenog obrasca za regularnost dodjele donacija
- Podrška članica Accounta o potrebi formiranja mješovitih timova (OCD, građani, firme, vlasti, institucije) za nadzor ulaska sredstava i raspodjele pomoći ugroženim građanima na svim nivoima vlasti, počevši od novčanih sredstava, hrane, odjeće, obuće, higijenskih sredstava, lijekova, alata, opreme, građevinskog materijala itd.

Do nekolicine članica nismo ni uspjeli doći telefonskim putem jer su stalno na terenu i distribuiraju pomoć.

Sekretarijat Mreže ACCOUNT

Sekretarijat

Udruženje INFOHOUSE

Skenderija 15, 71000 Sarajevo BiH

tel/fax: + 387 33 209 304 / + 387 33 200 538



Nosilac projekta

Centar za razvoj medija i analize

Dalmatinska 1, 71000 Sarajevo BiH

tel/fax: ++ 387 33 263 546